

鄆縣續志

重續鄆縣志序

辛亥冬 一 佐 恭承

太府嚴命飭令重續邑志爲府志張  
本捧檄惶仄殊不可言蓋自昔雖嘗  
効役

書局歷有年所其實謏陋拙疎自問無

鄆縣重續志 序

一

具矧今邑志張本府志府志張本省  
志而省志又爲我

國家將來一統全志權輿關涉甚大且  
鄆雖小邑西周豐京故里也歷來人  
物經制輝煌千古冠冕三秦揆討一  
有弗周咎將何極以是承檄之下傍

徃累時莫知攸措然猶幸志本創自  
勝代先正漢陂王公疆域人文典章  
法度在勝代中葉前者攷索靡訛又  
四修於

本朝康熙五十七年戊戌卽自漢陂以  
來一切建置沿革風俗人物之繫載

錄無餘今獨自康熙戊戌以後至今  
一十五年中建置人物所宜採摭而  
爲時尙近匪同異代遐稽之難真抑  
且最幸一二老成之尙存不苦徵文  
考獻之茫無根據致蹈荒唐也於是  
自春首屬筆先從建置因革經始懼

其漏遺則通體細計逐款列目目覺  
無漏則仔細推參逐目結案其列款  
也則首詢之典型次問之僚屬又次  
質之案卷使務協於章程其結案也  
則不敢執初稿爲是又必博證於同  
人詳質諸輿論使不謬於格律而如

人物則以爲是兩間之直道攸關宇  
宙之公評是係必慎之又慎不敢以  
貴而生也增不敢以賤而沒也減不  
敢以後人之盛也存後人之替也去  
妄冀非道之譽而苟免失意之毀也  
更如藝文則又以爲是在茲之寄屬

於是乎在千秋之精華於是乎托矧  
風雅昭灼乎前經周書燦列諸學校  
歷來憲世文章孰過於是續其後者  
縱不能光昭聖緒視昔有光亦安容  
徒以麗青偶白之浮言風雲月露之  
綺語致污簡編續貂前籍乎則必按

篇究義務令上之關涉乎道德經濟  
大旨下亦稍於風俗人心有關者採  
而錄焉編成私竊循省識之不足採  
取無當則種種有之若曰存一毫苟  
且因仍心漫爾塞責則亦不敢自誣  
也顧惟是志以昭往勸來爲指歸今

彰於前烈者列聖諸賢增輝景光  
乎高山大川者疆域居然猶昔

一佐

少讀詩書妄意古昔今泣斯邑者且  
三年於茲而曾無殊異之政事致多  
士復棧樸之隆風黎民還豐鎬之醇  
俗縱復纂述不謬足繼蹟漢陂初編

鄆縣重續志

序

五

其如仰愧志本俯慚吏責何矧如謏  
陋疎拙纂述徒勤無當大雅耶臨編  
自顧蓋不禁赧顏而汗背矣

嘗

雍正十年歲在壬子五月穀旦知邑  
事三韓魯一佐盟手謹題

鄆縣續志序

王孫謀

鄆志自明先漢陂太史劄編後一繼之九臯王公再續之以柘山劉侯又再繼之以泗源張侯

本朝則河東康侯更加增補迄於今先太史原編

不可覩矣王侯劉侯張侯康侯之編則俱在也

大約事例日增於前條目日衍之詳論者未嘗

鄆縣重續志

王序

一

無備美之觀而實未嘗無過繁之懼焉然於西

周豐京之風氣人物則仍缺然也

孫謀

居嘗私

竊擬議以爲國史主勸懲故人物政事之賢否

治亂畢具邑志昭法戒於人物風俗之善惡兼

存然前史終屬勸者詳而懲或略前志終屬法

者詳而戒或略蓋勸其當勸而懲卽寓法其當

法而戒自彰君子善善長而惡惡短原有隱意

存焉非獨爲其誨淫導亂也鄆之爲邑自開闢

來時會之盛無過西周聖賢之明良際會無過  
文武成康似姜周召而前志反略焉未備是隱  
景星之光耀於宵霧掩卿雲之炫爛於晝陰雖  
復斜暉映晚繁星麗空亦何關風氣人物之盛  
衰隆替乎盛衰隆替之不關其於法戒又何關  
焉故孫謀於前志節目之詳未嘗不閱之喜而  
於前志體統之略並未嘗不爲之惜也迺今觀  
吳侯續編之作補遺一卷一開卷而西周之聖

鄆縣重續志

王序 二

君賢后元勳懿親一一提綱攜日本末燦然至  
其援引史傳無不徵以聖經證諸大道而一洗  
從來矯誣附會之失嗚呼豐京數千年之景星  
卿雲自斯殆光華復旦而終南萬峯澧澇百川  
之間氣秀氣蓋至此盡發而不至掩抑鬱閉乎  
則是有此一補而後此邑之志乃覺完善無遺  
煥焉生色矣又其於人物則體例謹嚴於藝文  
則採錄慎重一切建置皆有關於風化一切興

除無不係乎人心則謂區區一邑之志而從古  
史志之道法心法俱於此備焉可也卽謂叔季  
一日之編而春秋之大經大法卽寓於此可也  
嗚呼盛矣成戌冬 孫謀 自印江將赴 都門便  
道觀謁先壠適

侯續編告成之日承不以爲謬委之爲序遂不  
辭而序其端者如此世有知言或當不以余言  
爲妄也夫

鄆縣重續志

王序

三

鄂縣續志序

吳廷芝

邑之有志猶國之有史也南史董狐之筆傳信而不傳疑蓋立言必其有徵紀事懼其無據所以垂一代之文獻傳之永久而爲信史也鄂爲豐鎬舊壤外而文武周召仁風漸摩內而太姒邑姜徽音丕被故至於今雖彈丸小邑而民務作甘士習禮讓猶有先民之遺爲三輔儀型迨

鄂縣重續志

吳序 四

其後地產則如樞密楊公方伯張公漢陂王公以清操文章特著於宋明僕射殷公忠貞賀公忠宣賀公以佐命元勳光昭於唐元仕宦遊寓則如盧韋如李杜如岑鄭或以忠烈清介昭史冊或以政事風雅貽千秋而程明道先生尤以大賢復聖之詣發軔過化於此地爲此地金輝玉映以言乎地則靈以言乎人則傑故先民論風氣者謂其擅關西之勝槩直足冠冕八郡三

遠而有光也然要之文武周召百代推聖易詩書禮萬世尊經無論一郡卽在九州莫能尙無論今日卽在萬古莫與京顧前志四經創續矣乃以芝細考其間獨於漢唐以後之人物事文日益詳而於此終略焉不備將無謂前經前史業備記之而不必復誌乎抑獨不思志者誌此邑之盛衰隆替也今舍前此之大而詳後世之細將不慮埋沒掩閉此邑自有之光華寵靈耶

鄆縣重續志

吳序 五

芝旣爲之慨焉心惜兼自壬戌以後經今三十七年於茲矣天運遞嬗人事變遷科名生齒之日增沿革建置之時益失今不續故老日凋後生奚稽故芝竊不自量每思有以續之奈以迂拙累署鄰封案牘日接於前錢穀日移其晷夙懷徒厯而時會未能也今秋大稔公餘之暇偶過處士王豐川先生別墅道及志事則謂芝曰修志盛舉也而繁且難惟公之精力能及此兼

此邑之志有待補者若干事有宜變者若干事待補者關千古之道法宜續者係宇宙之公理又非公之博雅平允不能爲今局纂續編以垂此邑之文獻乎予始聞之懼日力之不暇給也旣乃念失今不爲後將有欲考而無從者其若始願何於是稽之經史地誌詢之耆艾鄉評胸中稍有成竹乃哀邑之紳士而開局從事凡閱三月而編以成告首爲補遺一卷以志西京文

鄠縣重續志

吳序 六

武妣姜周召之烈及漢唐以來一二遺事遺文次爲重修次爲改創次爲新創又次爲新增以詳三十七年內之官師人物建置文苑共三萬餘言統括爲四卷總之不敢以湮沒而失其傳尤不敢以溢美而過其實若曰立言期其有徵紀事懼其無據亦以傳信而不傳疑云爾後之視今猶今之視昔潤色以大其觀增新以成其美又以俟後之君子

縣重續志

纂修姓氏

纂輯

知

縣

魯一佐

採訪討論

教

諭

李滋

訓

導

傅龍標

叅校

姓氏

明經周夢熊  
臨潼人

監梓

典

史

汪文菁

督工吏

杜山鳴鹿 欽

鄆縣重續志目錄

卷之一

補遺

卷之二

建置

卷之三

官師

卷之四

人物

卷之五

藝文

鄆縣重續志

目錄

鄂志重續凡例

一鄂志續於康熙五十七年戊戌當時以前志畧於西周聖賢懿徽又於藝文遺漏經籍故於舊編外續者另自爲編蓋懼合前本爲一編竊覺體例凌亂不但以盡翻前板舉事近易也今更重續計前續纂時僅一十五年增補應自有額故亦惟是因仍前例不復變易

鄂縣重續志

凡例

一

一戊戌續編但揭補遺改創新創重修新增五例爲綱因事類聚爲目而於補遺爲多者蓋從其所畧而加增補也今則前之畧者舉詳惟自雍正元年

聖主繼統一切良法美意種種裕後而光前是宜示法於千秋故獨於新創改創條目獨爲悉詳

一新續人物務求其實而可據與輿論允孚

者爲準而又參諸省志之收羅蓋凡經省志採錄之侶皆再三查勘得實之人誌以足信今傳后爲真故寧嚴而少無取乎濫而多也

一藝文今但取關於道德經濟之旨要而不及其他蓋昔朱子之註藝曰詩書六藝之文註文曰聖賢之成法事理之當然是則藝文一目苟非於道德經濟有關卽其於

風化人心無助雖謂之浮言綺語可矣奚取焉前編不無浮濫故是編於此尤爲慎重

跋

戊戌春正月

瑞

奉

部檄教諭鄆庠見

邑侯卉翁先生建櫺星石門工甫竣復謀移奎星樓於城頭當是時

侯方綰蓋鄆二邑之符簿書期會他人視爲不易辦治而獨於興學右文特厯經營

且未嘗勞民費士

瑞

時嘆其精神注措俱

鄆縣續志

跋

非時賢所及及奎星樓甫以告成而兼綰藍田之符又至矣乃

侯遊刃有餘而秋八月又復開局纂修邑

乘

瑞

時抱有微疾不獲隨諸君後供校讐

之役然竊見其凡例目次則補前此之缺略而全志之大綱始弘正傳述之訛謬而邑中之故事始真於官師則取其長而短